

賜

綺

堂

集

賜綺堂集卷二十四詞目

楊柳枝 本意

減字木蘭花 山樓雨霽

憶江南

陳鈞樵譜此詞寫秦淮風景於末章專指梁家曲部余亦廣其意爲之

又

又

又

又

又

又

又

又

又

虞美人

舟中聽雨

淡黃柳

本意

疎影

梅影

又

竹影

又

鴈影

又

蝶影

又

帆影

又 簾影

又 帘影

小諾皋 題裴訥庵探梅小影時同客金閨節署

又 題亡友言管松秋江釣月圖

南樓令 荔香爲余繡蒲團枯坐小像

金縷曲 李梧生曉風楊柳畫卷

鳳凰臺上憶吹簫 爲秦澹園姬人葛繡茵作

百字令 贈歌者宋郎

又

小諾皋 言皋雲比部邀同孫開如傾容堂雨太

史飲饒玉蘭堂卽席贈歌者柯郎

金縷曲

燕京歲暮飲言雨香閣樵昆仲寓齋

又 催散詞爲沈姬作

又 題亡友陳筠樵遺稿

沁園春

王芑泉舍人蒲團趺坐圖

摸魚兒

下第後同王惕甫出京宿良鄉題壁

滿江紅

同王芑圃登韓侯嶺

菩薩蠻

又

又

又

金縷曲 題王惕甫滙波近稿

浣溪紗 舟過維揚

減蘭 竹影

又 竹聲

南鄉子 酒家

減字木蘭花 湖樓曉望

浣溪紗 題懽園畫冊

又

又

又

又

又

臨江僊送友

四字令海棠

又櫻桃花

城頭月荒園坐月

浪淘沙春寒

南鄉子春草

賜綺堂集卷二十四

吳苑 詹應甲 鱗飛

絃秋詞一

楊柳枝本意

春江上柳枝南陌上柳枝嫩綠柔條婀娜時可人兒柳
枝 曉風吹柳枝晚風吹柳枝黃葉秋零剩幾絲挂相
思柳枝

減字木蘭花 山樓雨霽

山開圖畫萬古乾坤閒處挂無奈煙雲塗抹丹青了不
分 山靈怒起激洒飛泉都一洗雲散煙消還我峰巒

不斷高

憶江南

陳筠樵譜此詞寫秦淮風景於末章專指梁家曲部余亦廣其意爲之

秦淮水一水繞城灣三月鶯花河上夢六朝金粉畫中山紅雨半江南

又

秦淮水臨水十三樓熏透甲沉迷步障掀開丁字誤簾鉤看到白門秋

又

秦淮水掠水小涼蓬簫管兩頭空載月欄杆四面不遮風歸去忒匆匆

又

秦淮水水並瑣窗高閣底傾脂微過雨鏡邊送酒暗生潮銀燭隔簾燒

又

秦淮水水調出花遲裙屐少年新狎客霓裳小部舊歌師也要索題詩

又

秦淮水水閣數梁家貼地文茵調燕子背人紈扇濕桃花彈破老琵琶

又

秦淮水照水牡丹開人在當場看柳杜花從平地起樓
臺幽夢幾時回

又

秦淮水水鳥不成雙吹散楊花迷舊巷載歸桃葉問同
鄉風雨打船窻

又

秦淮水春水綠生波一曲琴心離恨積三緘磬口病愁
多空按輿儂歌

又

秦淮水流水到吳門但得黃金收駿骨定教紫玉返鶻

魂題石慰朝雲

虞美人 舟中聽雨

橫塘一夜風吹雨
柔櫓聲聲語惱儂
終歲滯江濱
無那酒殘詩倦
別離人
蓬窗淅瀝燈花暗
鄉夢真淒斷
小桃倘得幾枝留
憐我一春湖上未曾游

淡黃柳 本意

栖鴉未散春到江南
陌幾寸柔條剛換色
欲鬥眉梢淺黛
先拭宮人曉妝額
近寒食輕分野煙
迹絲如染絹
難織喜金衣公子
初相識
遠客將歸
銷魂橋畔莫使風

漸碧

疎影 梅影

寒林釀雪是誰家粉本摹寫真切薄曙窗前淡月庭前
剛是相思時節疎疎透入闌干曲尙未遇頑蜂癡蝶却
憐他皓鶴翎間印上數痕明滅溪面流澌纔化便籬
邊橋畔照映澄澈一種冰心一樣風姿別有一番清絕
壽陽妝罷菱花裡幾度見玉纖輕貼笑山中處士孤眠
但與夢魂相接

又竹影

移青換碧愛簷簷个个墨瀟顏色淡抹空牆低掩幽窓
猶帶露華煙波任他赤日行天午深護着納涼軒席處

胡牀招我張琴帘布古苔仙石 到處皆添致趣儘梅
邊寫照沙際留跡落日樓東新月亭西幻出翠梢千尺
倩誰移上鵝溪絹應未減雪欹風側問當年嵇阮杯中
搖映幾多晨夕

又鴈影

秋光冷處點空青遠碧杳渺相遇黯黯餘暉漠漠平沙
描寫幾行聯翥橫塘水淺蘆花白倒浸着片雲飛去待
月明橫過樓窗怕惹離人驚覩 絕似寒江畫裡便不
聞哀叫也動情緒自別龍堆驀度關河賺煞憶家征戍
傳書畢竟真還假况覩此更無憑據轉傷他思婦燈前

觸意排連箏柱

又蝶影

春衣粉薄看矐矐暖日流照依約似近還移欲去仍留
拂遍幾枝花萼低迷隱現綠苔砌端不許燕鶯捎掠忽
疑他一點香魂逗我夢中撩摸 瞥見教人憐愛待悄
持紈扇詳認猶錯紅雨西庭綠草南園候忽總無棲托
惘然占得清虛境肯便把芳菲辭却倩誰將雙管傳神
恐上繡綳難學

又帆影

停橈罷漿見春流漲處幾幅飄颻遙度鷗村斜抹魚梁

森森夕陽無恙去來所向多空濶只暫避樹遮山障劇
堪憐人倚篷窻倒看白波搖漾迢遞煙波江上愛乍
張乍卸相引相傍昏雨湖邊宿火洲前不惜韜藏一晌
月明風正依然在還惹得巨鱗驚浪願遙從南浦移來
莫負小樓凝望

又簾影

橫波一桁正珊瑚鉤放月到銀蒜斐几虛籠繡榻勻鋪
爭侶越羅輕倩淥窗人立輕煙裡怕踏碎霧綃冰絃最
撩人捎動微痕不見乍歸雙燕却喜行行珠貫任旋
移暗度曾不撩亂休點蘭缸生恐流光轉出畫闌干畔

含情已隔湘江，水何況是碧雲遮斷。盼朝來初日，妝樓捲上柳陰一半。

又 帘影

春郊日杲望一竿，高揭煙際。僂嫋挑出花陰，颺入溪流點染。十分晴好，多情欲遣王孫駐，只傍他玉驄旋繞。被風吹掩過，鱸邊疑是客來輕悄。迤邐斜陽古道，記家。家茆店招動林杪，勾引行人牽惹。詩人到處，便思傾倒。酒闌拭目矐矐認斷，送得醉魂縹緲近黃昏，收倚槽牀。又暝淥醅清醪。

小 諾 皋

題表訥庵探梅小影時同客金閭節署

流水空山凍雲殘雪那得繁華滿目是師雄親到羅浮
酒酣睡足花氣一襟小雨人影半橋疎竹濕春衫紅暎
縞衣如玉燈下藏鉤尊前按曲訴相思人間難寄於此
大開金屋這番興許君還半袖圍香雙聲畫壁消受
才人艷福拋不得一隊金釵兩行銀燭聘到海棠未嫁
聘小嬌方種下櫻桃纔熟再休悵絕代佳人空谷客館杯
殘旗門漏促算今宵紙帳風清夢去西山林麓差勝似
花底宿

又題亡友言管耘秋江釣月圖

馬上文章尊前風月半世清狂如此記相逢子夜丁年

流光彈指三月鶯花夢斷一曲琵琶心死濕青衫拋去
銀黃金紫貝闕千重鯨波萬里拂珊瑚一竿難掉已矣
英雄才子歌此調強君起 小謝多情長安問訊回首
人琴邈矣圖爲令季雨香孝廉叔貯於己酉携至再休
都門重裝遍屬舊日交遊兄弟題焉
問畫舫詩瓢箏孃簫史今夜江關明月照到驪駒盈耳
怎禁得舊雨飄零無幾埋骨青山盟心白水算三生杜
牧重來未必天涯知己哭君淚從此止

南樓令荔香爲余繡蒲團枯坐小像

古木帶栖鴉空山是我家怪東風吹到天涯而壁十年
綠底事可認得舊袈裟 小劫歷恒沙圓蒲度歲華怎

消除愁病交加乞汝鍼神傳指法拈不盡鬢邊花

金縷曲 李橋生曉風楊柳畫卷

吹破關山笛笑天涯風塵名士勞勞何益夢入江南楊
柳岸馬上落花無力何處問李郎消息仙骨酒懷無恙
否擁雙鬟盡到旗亭避紅燭影水邊驛飄零我亦愁
如積向風前抽帆無對水萍蹤蹟今日江關重握手又
聽離歌催逼願到處三生一夕漫說青衫容易老便河
橋煙雨都非昔長亭外幾行碧

鳳凰臺上憶吹簫 爲秦澹園姬人葛繡茵作

鏡雨啼紅奩雲吹碧三生幽夢誰家悵珠胎落實玉質

韜華留得在徽圖畫春風裡喚起梅花傷心處橫波一寸猶盼秦嘉堪嗟澹香樓角看碎墨零丸寫遍窓紗問釵梁鏤燕扇底塗鴉剩有朝雲塚上紅心草極目天涯棠梨落聲聲杜宇哭送鈿車

百字令 贈歌者宋郎

揚州杜牧遇掃眉才子軟紅深處看遍豐臺花似海那及瑤林一樹窺影東牆擷芳南國摹出高唐賦艷餽筵上半空香雪飛絮忽憶桐館題箋花街讀曲一霎春雲去爾本善才新弟子偷聽黃河詩句壁上雙聲風前一笑記取狂名署東陽老懶近來法曲誰付

郎家吳門花街巷向

與沈桐威考廉同製新曲付其歌師按拍

棉花深巷正燒燈時候
駛來細馬
朗我玉山傾四座
明月投懷不夜
纔熟櫻桃
倦飛蛺蝶
題就楊枝
畫雙瞳如
剪照人秋水寒射
還問羅帕藏名
毬場顧影多少春
愁挂坐傍屏山心
便醉那管枝頭鶯
罵鄂被香薰髥
蓮

燭滅可許風情惹青衫
席帽先生明日歸也

時方報罷
束裝出都

小諾舉

言舉雲比郎邀同孫用如顧客堂兩太
史飲餞玉蘭堂卽席贈歌者柯鄆

玉樹交枝蘭苔結佩吹到軟紅塵裡
看尊前三疊迴波
向人旖旎描就秋蛾眉
活啼破春鵲魂死恁韶年放誕
風流無比本事淒脾
舊遊彈指撲簾旌
落花如雪隔院

玉笙催起懽未竟吾行矣 韋杜城南風煙塞北小別

十年千里忘不了翠被熏香鈿箏流水昨夜屏山幽夢
尋向碧綃窻底只留得殘月曉風而已歌散旗亭燈疎
柳市待他年貰酒重來那得瓊枝如此青衫濕今日始

金縷曲

燕京歲暮飲言雨香尚熊昆仲寓齋

莫更悲歌甚但相逢高陽舊侶鶴裘典贖說到機雲年
少事入洛才名相並空博得緇塵兩髻街鼓鼕鼕重起
舞拂霜花共把青衫認酒痕濕不須問 朱門梁肉皆
前定論功名華年如水吾儕非分仰屋著書滋聚訟傳
與千秋誰信況此事終輪毛鄭一卷新詞和淚寫向裙

邊扇底題名姓英雄氣已銷盡

又 催妝詞爲沈姬作

一寸橫波溜倚妝臺紅巾斜揭春風依舊銀燭雙行鴛
帳裡照到梅花影瘦許驗取梢頭荳蔻三五明星樓角
粲趁良宵添得銅壺漏麝蘭氣早熏透 銀河清淺橋
難就訴相思喁喁絮語啼痕兩袖努力新懽酬舊恨無
奈嬋娟病後這豔福等閒消受夫壻頽唐休更笑撚吟
鬢能解蛾眉皺催妝句枕邊授

又 題亡友陳筠樵遺稿

展卷心先死廿年中飄零知遇與誰相似字裡纏綿真

至性當代風人有幾漫分別神仙才子腸斷春江花月
夜怨丁年不合成知己怎禁得淚如駛 七絃溪上空
流水慟人琴一尊酒酹鍾期邈矣此集千秋於願足况
有郎君繼起刪定出袁吳兩史稿爲簡齋竹橋兩人史
刪定今嗣少疎乞題
料得三生重握手只牢騷未必還如此試抵掌夢魂裡

沁園春 王芑泉舍人蒲團趺坐圖

紫薇仙人乃有王郎偷離碧霄比風流書記名藏羅帕
清狂學士歌換金貂蔡閣熏香葯欄覓句那得寒山話
寂寥相憐處是才名易懺慧業難消 楓江催上蘭橈
桃葉迎歸客路遙笑道書拋却梳頭飽看金經教與反

吾新調人柳三眠佛桑一樹何處春寒盼早朝舍人有
三姬其

新納桑姬吳人也未
能捺土音故嘲之

蒲團穩且脫然無累坐過今宵

摸魚兒下第後同王暢甫出京宿良鄉題壁

望仙山迴舟風引仰天長嘯而去今宵初夢江南岸殘
月曉風何處吾與汝將萬斛閒愁付軟紅塵土從今起
舞聽九曲桑乾河流鬱勃祇共塔鈴語青衫客我亦
髣髴如許人生數十寒暑等閒七度公車下老結同心
儔侶君何苦便博得浮名身世終無補琵琶腰鼓看馬
伶牛醫同聲擊節壚畔選錢數

滿江紅同王芸圃登韓侯嶺

寥落天涯何處問王孫之後又怎怪少年市上無端遇
逅能令高材先得鹿豈忘奇策遭烹狗洒空山碧血幾
時乾盃中酒 成往事還搔首尋戰迹同攜手怪屯堤
十萬軍聲烏有一飯黃金酬漂母千秋青史書權后嘆
英雄生死婦人撩非天授

菩薩蠻

簪花格子生花筆半奩水浸雙螺濕偷寫十三行粉痕
和墨香 銀箋光研鏡倒篆鴛央印題到送春詩春風
知不知

屏山昨夜春寒重蘭釭影落江南夢熏透甲沉煙煙消
人未眠海紅爐貼地暖入氈氍細莫捲畫簾高餘香
歸燕巢

又

鍼箱小拓紗窻午睡絨無力飛紅雨蝴蝶不成雙如何
上繡牀碧桃舒半面又被游絲罥私語剪刀風劈開
花影重

又

畫屏紅燭光搖影葦衣風動金鈿冷隨意撥銀箏流鶯
三兩聲歌喉珠一串未許櫻桃換唱出小梁州月寒

花滿樓

金縷曲 題王暢甫溫波近稿

猶是書生耳以文章橫行一世清狂如此當代雄才今
幾箇都爲王郎心死且漫說寥寥知己一第艱難同我
輩任王侯將相呼奇士棹頭去吾歸矣 烏紗畧現漚
波裡擘笺箋官齋畫舫孺人穉子太息同年成老大放
浪江湖而已須爲我商量行止聽說 朝廷方喻蜀料
相如終以貲郎起

暢甫方納貲爲國子監典簿

才未盡爲君喜

浣溪紗 舟過維揚

半是筭人半選家竹西歌吹門繁華綠楊陰裡拓窻紗

七尺游絲三尺絮二分明月十分花由來好夢在天
涯

減蘭 竹影

疎疎淡墨寫向蒼苔同一色涼月移來個個玲瓏掃不
開 防他飛去爲語此君須小住便化波紋一幅瀟湘
一縷雲

又 竹聲

梢頭戛玉驚起夜牕人睡足日暮天寒那得僂風響佩
環 絲絲氣力吹破一枝樓上笛洗却蕭騷鸞鳳和鳴
節自高

南鄉子 酒家

小鳥喚提壺邀我尋春莫問途到處十家三酒店零沽
風捲青帘入畫圖 十四學當壚辨髮如雲覆額初似
聽隔花新燕語生疎不是高陽舊酒徒

減字木蘭花 湖樓曉望

柳陰深處一尺飛花三尺絮驀地風來吹入湖樓掃不
開 欄杆徙倚依舊殘雲都捲起香影空濛人與烟波
隔一重

浣溪紗 題懽園畫冊

筆底烟雲妙翦裁西清學士賦歸來牡丹從此換樓臺

過眼繁華衣一品等身著述錦千堆祇今拳石臥荒苔

又

百尺梧桐鶴在陰看雲亭子偶登臨一襟疎雨寫水心
秋色略同詩筆老窮交還比酒杯深晝長移榻好眠
琴

又

綠玉千竿架此樓傳書肯爲後賢畱竹君懷抱與君投
半壁濕雲涼近水一堆淡墨苦吟秋當年曾否見羊
求

又

石磴凌虛九曲通倪黃邱壑出胸中那須縮地問壺公
門館星移珠錯落家山雲破玉玲瓏松枝倒掛最高
峯

又

岸上牽船是舫齋風廊月榭巧安排水天涼話幾人偕
北苑補圖添細柳南柯說夢指高槐沙隄小築草堂
開

又

賦罷東歸遣寂寥故山猿鳥早相招平生進退果超超

樵

鹿苑梅花新試館鱸鄉葦菜舊題橋平泉記裏有漁

臨江僊 送友

江上愁心吹不去一帆掛起桅梢多君心跡阿龍超舉
杯吞海月停燭待江湖似我飄零仍作客此時忒煞
無聊算歸期盼到花朝梁園同橐筆吳市罷吹簫

四字令 海棠

春陰半簾春晴半檐淚花紅到衣邊是誰家少年折
枝態妍垂絲意牽夜深銀燭休添倚屏山懶眠

又 櫻桃花

鵝黃漸吐脰紅未措朱門靜掩莓苔有人先下階探
春信乖嬾春夢纔熱腸無處安排笑鸚哥口開

城頭月 荒園坐月

天街涼意生梧竹瘦石如新沐一笛風高一襟雪澹一
枕流雲綠 當頭問月來何速飛上闌干曲如此蒼茫
悠然清絕月也依寒玉

浪淘沙 春寒

似翦曉風尖樓高不捲簾響琤琮鐵馬檐前消受熏爐
香一縷試點筆寫紅牋 硯匣凍銀蟾燈屏掛紙鸞忒
闌珊花事今年又被鸚哥催夢覺記不起畫橋邊

南鄉子 春草

一色碧如煙三月風光又一年徑寸春心難翦却纖纖
蝴蝶飛來不肯眠南浦客停船送別天涯劇可憐寶
馬香車從此去芊芊休傍花邊與柳邊

賜綺堂集卷二十五詞目

滿江紅

渡江

水龍吟

雪朝泛湖 留憩白雲禪院

桂殿秋

山塘泛舟

又

又

又

百字令

山中除夕

邁波塘

題班婕妤秋思圖

賣花聲

錢塘避潮

一翦梅 泊舟黃浦寄楊甫

金縷曲 寄懷秦小峴觀察

又 武林送周如觀察赴戴山講席

又

百字令 小峴山人招飲蘇公祠之望湖樓中以十年前所貌竹爐山房聽泉手卷出示

又

又 題華秋樵郡丞北山旅館圖

綠意 將游楚中小峴廉訪招同李石農觀察餞余湖上

沁園春 訪楊甫於雲間學舍信宿觴齋時有漢之游墨渠夫人寫桃花源記贈行譜此誌別

湘月

春馨登陶然亭有懷十年前與言臯雲李石農顧容堂張蕘友蔣竹史王耘圃施渠泉陳笠帆嵩懋堂嵩剛非陳筠樵言崙樵諸君載酒於此

金縷曲

顧容堂席上送胡孝廉南歸就婚

又

題瞿菊亭孝廉鶴歸來傳奇

沁園春

題菊亭錦衣樹傳奇

百字令

陳開三息肩農隱圖

摸魚兒

辛酉應聘楚聞

臺城路

題程愚溪小照

金縷曲

題吳南池豪飲讀莊圖

圖爲王蓬心

沁園春

吳南池看劍引盃圖

圖亦蓬心太守所畫

湘月

喻誦巖廣文前影圖

又

題許謹庵蕉石小影

金縷曲

題吳向慕照紅圖

又

題袁耐亭悼亡詩卷

十六字令

又

月上海棠

本意

采桑子

越江孤鴈

離亭讌

歸舟懷友

沁園春

桅燈

又 轎燈

清平樂

又

又

又

百字令

題淵明讀書圖

金縷曲

題董役椿寫夢圖

賣花聲

本意

菩薩蠻

綠陰

賜綺堂集卷二十五

吳苑 詹應甲 鱗飛

絕秋詞二

滿江紅 渡江

浩浩長江空載得輕舠一葉全不管岷峩萬里中流橫
截檣燕能占風四面江豚忽湧山千疊揖金焦兩點入
篷窗勞相接 指去鳥鐘聲絕驚飛電帆光掣看西津
北固煙雲明滅瓜步樹紅開夕照海門潮白飛秋雪任
寒濤打上女牆高城如鐵

水龍吟 雪朝泛湖留憩白雲禪院

招來兩袖清光不如載向南湖去一窓飛絮一奩明鏡
一枝柔艣酒榼詩瓢筆牀茶竈笙囊笛譜料寒塘蕭瑟
畫船散後誰問水雲深處還怕湖邊鷗鷺故把人夢
魂驚寤半龕宿火滿階落葉幾聚寒樹石作僧趺梅迎
人揖鐘隨鳥度到更深梵靜空山風外塔鈴傳語

桂殿秋山塘泛舟

花片雨柳絲風瑣窓人面玉玲瓏麴塵颺起簾波動著
色樓臺在水中

又

迎翠榜繫蘭橈酒香燭影海棠巢鶯央眠近波深處不

問花朝與雪朝

又

蘿補屋竹分泉家家花市門嬋娟買花生怕嬌花日須
趁春陰載滿船

又

吹紫玉拍紅牙雛鶯乳燕隔窻紗櫓枝無力歸來緩七
里笙歌送到家

百字令

山中除夕

蓬山風阻向名場回首英雄遲暮四十無聞何足畏漫
許相如詞賦側帽彈箏短衣說劍未必無知遇公車七

上等閒佳日虛度 空憶湖海飄零舟車遊歷燕晉齊
梁楚宇內河山看大半還向吾廬小住爆竹驚人梅花
笑我枉被風塵誤屠蘇強飲明年又在何處

邁陂塘題班婕妤秋思圖

怪西風井梧吹盡不催花下歸燕笙歌別院金釭冷人
去昭陽宮殿攜團扇一樣飄零捐棄何須戀淚花幾點
聽趙瑟彈成齊紈拋却併入玉階怨 官車香當日割
歡同輦女箴才筆無忝自求供養居長信寧比長門淪
賤微嗔倦任霜衰紅蘭終勝朝華豔寒鴉日閃問姊妹
花殘榴裙血浣誰向夢中見

賣花聲 錢唐避潮

春漲石塘灣。垂柳毵毵。弄珠橋外剝風颿。平底大船如屋裡。一葉江山。白晝雪濤寒。鐵騎嘶殘。海門何處認煙鬟。枚叔筆如強弩末。怎障狂瀾。

一翦梅 泊舟黃浦寄楊甫

暮影迷離水。一篙草色蕭蕭。柳色蕭蕭。野塘風急暫停橈。塢挂林梢。帆挂花梢。海上青尊話寂寥。幽夢難拋。別夢難拋。戍樓紅認一燈挑。欲上春潮。不上春潮。

金縷曲 寄懷秦小峴觀察

名宦兼名士。讓先生牙旗坐擁。錢唐山水。鳳閣鸞臺清

東坡全集 卷之四
望在當世幾人知己還夢入紫薇花底七百年來風雅
合算東坡小住杭州耳悠悠者那堪齒 秋宵畫戟圍
圖史展吟箋書生面目蒼生心事海上波濤如許濶誰
令靈胥怒止只採取智珠懷裡千里湖山人自得怪羣
公但解呼才子君不答笑而已

又武林送別如觀察赴戴山講席

燕市春深夜酒鑪邊青蓮醉卧花枝低亞自送旌旄開
府後七度春風報罷何處記蓬山佳話天遣台星依孔
壁料尙書疑義搜虞夏濟河究其誰舍 歸來買宅鍾
山下伴琴尊桃根桃葉莫愁未嫁六代青山都看倦拋

却蛾眉如畫早一剪春帆偷挂墨妙亭荒題字濕傍蘇
祠再結湖山社有秦七小峴山人王風雅

又

前席鉛山王

心餘太史

論詩豪縱橫先後兩軍旗鼓考訂從

來君獨得不讓諸儒白虎商確到經生訓詁暇日青鞋

探禹穴辨蟲魚應勝秦碑古問奇字幾人許

開如

笑辛夷幾番開謝能禁風雨惱我江湖

扶風帳

後饒瓊樹

舊句

笑辛夷幾番開謝能禁風雨惱我江湖

重載酒唱徧旗亭樂府渾不解移宮換羽絃誦莫教絲

竹輟按金釵昔寄先生廡升堂拜不須拒

百字令

小峴山人招飲蘇公祠之望湖樓中以十年前所貌竹隱山房聽泉手卷出示

家山圖畫向湖山展處秋聲萬壑認取山人開府後依
舊青衫落拓九陌黃塵一甌白雪就此論清濁寒泉無
恙有人呼與同酌底事七百年來風流綿緲湖水還
如昨宰相神仙才未展留得山樓一角吳越屏風江黃
笠屐妙手爲公貌竹鑪舊稿不須到此重作

又

翰林才藻有江山風月豪端爭赴一棹水仙王廟過譜

出大江東去

時吳穀人太史以湖樓落成卽
譜東坡大江東去原韻題壁

白雨跳珠

黑雲潑墨聲也留題處銅琶鐵板賞音曾否相遇還

問袞袞諸公經年結社別後饒奇句酒入詩腸搜索盡

都向蘇公傾吐繞屋驚濤打窓落葉願借湖樓住
先生
好客傳中著我流寓

又題華秋槎郡丞北山旅館圖

不歸如水是坡公當日宦遊之語無奈湖山偏愛客怎
放挂冠人去招鶴題詩邀僧載酒幾度勾留住買田無
計好官大抵流寓 幾人纔卸朝衫便離塵網許作閒
鷗鷺一棹段家橋下話同聽疎鐘殘雨鸚鵡洲寒琵琶
亭小我亦嗟行旅江城如畫不知山館何處

綠意

將遊楚中小峴廉訪招同李石農觀察戲
余湖上

此身無着便浮家泛宅到處飄泊一剪春帆一色春山

一片春雲遮却茫茫前路驚濤遠聽吹出連江畫角算
從今放浪天涯終勝故鄉淪落 眼底鶯花如昨對一
尊殘酒離思蕭索譜入銅絃彈出銀箏此去賞音誰託
江山兼有湖山美惜樓上詩人不作盼旌旄他日移來
攜手同招黃鶴

沁園春

訪楊甫於雲間學舍信宿觴齋時有湘漢之游墨泉夫人寫桃花源記贈行譜此誌別

國子先生泮宮祭酒妙才妙雙却羨君清福不登華省
累他冷宦常住仙鄉蘭玉寧衣尊鱸佐飯老去同年夜
話長難分手是半生行止片語商量 真珠密字盈箱

偏寫與桃源記一章向漚波亭下分來瘦影簪花格裡
染出餘香滿目風煙兩頭簫管燕燕移巢底事忙春江
上便迷津休問指點漁郎

湘月

春暮登陶然亭有懷十年前與言皋雲李石農顧客堂張蕓友將竹史王耘圃施琴泉陳笠帆嵩懋堂嵩雨非陳筠樵言尚樵諸君載酒於此

絲風一縷向城南飄散燕支如雪倦聽車雷喧兩耳何
處樓臺清絕到此憑欄有誰蠟屐酒甕如山疊綠陰滿
屋萊畦飛徧蝴蝶還問九日糕題三春餅宴地亦因
人熱柳絮高飛花片落一霎仙凡路別往事淒脾勝游
招手辜負清尊設春明好夢流鶯枝上能說

金縷曲

顧容堂席上送胡孝廉南歸就婚

行矣先吾輩望仙山回風引去春明門外新染天香衣
未浣歸去馬蹄輕快休認做青衫驢背蓮葉東西南北
路到江鄉好綰同心佩權謫裡登堂拜終南進士占
歸妹借長康滄洲畫筆寫成眉黛孝廉爲容堂妹婿萬首香奩
同唱和整日閨中相對遠勝似大羅仙會如此清才輕
握別賦驪駒頗覺愁無奈可容我後車載

又題瞿菊亭孝廉鶴歸來傳奇

老淚真堪惜悔年來花前燭底無端偷滴力掃風華標
至性寫出一腔血赤方不負才人之筆難得忠魂邀

曠典許白頭孫子傳奇跡千載下皎如日
軟紅塵裡持鞭揖譜新聲行間密字穿雲裂石聽說鴈門秋色老
吹向關山長遂想到處旗亭畫壁菊亭新製鴈門此曲
秋尚未脫稿
雙鬟休付與怕臨風飛去寥天一鶴能語也悽悵

沁園春

題菊亭錦衣樹傳奇

投筆書生功名壯哉事吳越王問將軍衣錦談何容易
秀才脫白夢也荒唐青眼憐才黃金散士除却英雄只
女郎難尋處是茫茫海內紅淚雙行司衡妙解文章
竟遺却明珠照乘光笑暗中摸索本無關說風前太息
頗費評量壁上籠紗行間勒帛一例相看也不妨悲歌

壯借潮頭萬馬譜出宮商

百字令 陳開三息肩農隱圖

一犁新雨看水光蕩漾秧針如鏃柳外春衫人小立
映到鬢眉古朴還語兒童且施擔荷就此論豐熟心苗方
寸種來便是嘉穀 君有捧硯桃枝擎衣蘭葉花下朝
驅犢如此息肩真快事早厭朱門梁月把臂重來折腰
歸去他日吳山麓柴門臨水稻香深處投宿

摸魚兒 辛酉應聘楚闈

下公車一行作吏秋風吹聚同考朱衣身上青衫濕當
日淚痕多少司分校要久困名場不在官場老九枝燭

照怕青眼模糊蔚藍天外莫逞筆花掃 奎光列文字
因緣修到題襟畧展懷抱典試者爲施渠泉太史陸
桂舟助教皆戊申同年坐
來玉尺紗幮下打疊寒酸舊稿君休笑看腰版登堂書
就狂名小何須傾倒但溷入風塵便便腹箇貯得簿書
飽

臺城路 題程愚溪小照

江山滿目秋聲裡何處招尋黃鶴吹簫同來峨松小住
話到家山林壑游蹤約畧將畫裡閒身低徊思索對此
茫茫鄉愁何日肯拋却 吾儕到處行樂寫秋光一片
暫時栖託楓老霜濃泉清石瘦比並幽懷洒落蓴鱸有

約待他日歸來白雲如昨攜手看山莫蹉跎草屨

金縷曲

題吳南池豪飲讀莊圖

圖爲王蓬心

我輩須從俗怪無端嵇生長嘯阮生狂哭漫借酒杯澆
砒磊換却風塵而日未必是才人之福那得神仙爲傲
吏任逍遙物外無拘束君此意向誰告白頭太守霜
豪秃點秋光雲煙過眼秋林老屋化蜨游鯢皆幻境何
況朱輪丹轂莫辜負糟邱新築我亦江湖淪落者悔當
年曾把南華讀消不盡愁千斛

沁園春

吳南池看劍引盃圖

圖亦蓬心太守

壯哉參軍學敵萬人託爲酒狂記涼山磨盾鼓鼙震地

采桑子 越江孤鴈

飄搖同作秋江客
爾向誰邊
我向誰邊
細雨斜陽各自
憐
相逢難訴相思苦
爾望南天
我望南天
一點鄉愁
到眼前

離亭讌 歸舟懷友

難得酒人吹聚
不把酒人留住
昨夜江樓同剪燭
話到
綠窓涼雨扶醉強登舟
未訴別離情緒
寄語煙波鷗
鷺回首
茫茫煙樹酒醒推蓬人
不見路入春愁來處
愁
比這山多那得山雲吹去

沁園春 槐燈

百尺危檣燭高燃宛如列星看鴈次勻排九枝銀蠟
蟬聯遙接一串珠繩天際旌旗雲中樓櫓累累方知巨
艦尊纔升處便扶搖直上光燄飛騰 可憐清影熒熒
偏不解寒塘送客行想波底魚龍平吞少味洲邊鷗鷺
慣見無驚水埠城濠關門開口要路津梁爾最明休相
照到江村漁火蘆荻無聲

又 輪燈

前路茫然分得餘光載之後車似雙飛矯翼啣來燭火
旁觀側足採取懸珠細劈筠箋巧穿金縷挂上頭銜落
後書添惆悵是雨淋日炙燭影模糊 如何玉樹雙株

剪不斷蘭心一點孤笑南衙聽鼓煙消氣短朱門散席
膏乞焚餘顧影生慚望塵莫及不照官人照僕夫乘軒
者試回頭一看指與迷途

清平樂

隔宵殘夢留住春寒重風入畫屏紅燭動颺起一枝紅
凍曉來慵整釵鈿露華濕透秋千貪教鸚哥學語滿
身花影如煙

又

憑欄無語細把荷錢數幾點粉痕香氣聚迸作半襟涼
雨晚妝新試輕羅臨流學寫雙蛾爭奈窻紗全拓夕

陽紅上簾波

又

芙蓉裙衩背立湖山下
小幅屏風周昉畫
愛向桐陰偷寫
桂堂東去迢迢星河界
斷藍橋洗出一匳涼月
隔樓吹入瓊簫

又

鴈邊殘雪壓倒梅梢折
細撥海沈香未滅
心比熏爐熱
翠衾孤擁宵長避寒自酌
雞缸祇覺琵琶絃澁
不知樓外濃霜

百字令 題淵明讀書圖

不求甚解與畧觀大意本無區別

淵明讀書之法仿髯武侯不徒以高士目

之晉室經綸如可展未必一官不屑小隱柴桑偶懷松
菊歸思難明說宦情書味從來兩不相淡 試看山海
圖中義皇傳裡報最都無涉能吏從來工拜跽何惜腰
支暫折五斗空拋一編坐擁於此爭奇節秋風已晚先
生及早藏拙

金縷曲

題董後槎寫夢圖

袖手從旁笑笑紛紛此中得失神仙難料一局殘碁看
不厭夢裏舊遊重到休認作虛無縹緲學道未除才子
氣向風泉萬壑徵同調側耳聽泠然妙 郎官賦罷金

尊倒阻湘江水雲一曲賞音人杳我望仙山風引去一
樣公車毳毼却輸與畫中年少君本大羅天上客脫青
衫須趁朱顏好圖一幅瀛洲藁

賣花聲

本意

曉起未簪花雲髻堆鴉聲聲吹送繡簾遮錯認花稍鈴
索響鸚鵡呼茶翦就折枝斜金縷抽芽半肩春雨帶
朝霞驚起妝樓幽夢醒隔巷誰家

菩薩蠻

綠陰

刀風翦碎花枝簇殘紅滿樹成新綠院宇漸沉沉春光
何處尋湘簾挑不起染到烏皮几莫更近衣邊坐中

無少年

卷二十五 詞一 古